

ডিস্মিশ।

একাঙ্ক প্রহসন।

(বেঙ্গল থিয়েটরে অভিনীত)

শ্রীঅমৃতলাল বসু কর্তৃক

প্রণীত ও প্রকাশিত।



কলিকাতা।

১৩২ রামনারায়ণ ভট্টাচার্যের লেন।

গ্রেট ইডেন প্রেস।

শ্রীঅমৃতলাল সুখোপাধ্যায় দ্বারা মুদ্রিত।

সন ১২৮৯ সাল।

উপহার ।

বামনডাঙ্গার স্বপ্নসিদ্ধ ভূম্যাধিকারী

শ্রীল শ্রীযুক্ত শরচন্দ্র রায়চৌধুরী মহাশয়ের


শ্রীচরণে

গ্রন্থকার কর্তৃক এই পুস্তক খানি

আন্তরিক ভক্তি সহকারে

উপহার প্রদত্ত হইল ।

ডিস্মিশ।



প্রথম দৃশ্য।

কন্ধ।

প্রমদা শয়াপরি অর্কশায়িত, কৃষ্ণবু
নিকটে চেয়ারে উপবিষ্ট।

কন্ধ। তুমি যে দেখছি ক্রমে ক্রমে মাথায় চড়ে বসলে
অতলবটা কি বল দেখি ?

প্রম। (ঈষৎ হাস্তে গীত) “প্রাণ কি চায়রে কে জানে—

কন্ধ। গান ধল্লে যে !

প্রম। “পোড়া মন টেঁকেনা এখানে।

প্রাণকি চায়রে কে জানে॥

কন্ধ। সর্বনাশ ! তুই না গেরস্ত বৌ, তোর ঝালায়
যাব কোথা ?

প্রম। “হায় রে যদি চকোর হতেম, উধাও হয়ে উড়ে ঘেড়েম,
সাঁধ মিটায়ে সুধা খেতেম, চেয়ে রতেম চাঁদের পানে,
প্রাণ কি চায়রে কে জানে।”

কন্ধ। ওরে থাম, আমি গলায় দড়ি দেব নাকি ?

প্রম। ছিঃ ! তুমি বেয়োড়া বেতালা।

কন্ধ। বের সময় বাপকে বলতে পারনি একটা তেলো
ভাত্তার এনে দিত।

ডিসমিশ্ন।

প্রেম। ঝকংগারি করা হয়েছিল।

কুষ্ণ। তবে আমি যে তোর স্বামী—গুরুলোক।

প্রেম। (বসিয়া) তাও তো বটে! গুরুত্থাকুর প্রণাম হই।

কুষ্ণ। কি, আমারে হেনে উড়িয়ে দেওয়া! চের হয়েছে,
আর সহ করা যায় না, আমি আজ থেকে নিজমূর্তি ধরবো।

প্রেম। সেটা কি রকম?

কুষ্ণ। দেখতে পাবে।

প্রেম। মাইঁরি, দেখাওনা—ছিঃ ভাই, যাহোক তোমার সঙ্গে
একটা সম্পর্ক আছে, তুমি স্বামী—গুরুলোক, আর আমার
এদিন জালমূর্তি দেখিয়ে ভুলিয়ে বেথেছ?

কুষ্ণ। বার বার ঠাট্টা ভাল লাগেনা বল্ছি।

প্রেম। তবে নিজমূর্তি দেখাও।

কুষ্ণ। আচ্ছা, আমি গোটাকতক কথা বলি, ঠাণ্ডা হৰে
শোন দেখি।

প্রেম। বাপরে! আমায় ডাক্তারে বলেছে গরমে থাকতে,
ঠাণ্ডা হতে আমি পারবো না।

কুষ্ণ। (সৈরৎ হাসিয়া) আচ্ছা আচ্ছা! গরম হয়েই শোন।

প্রেম। ফুনেলের জামাটা ওধরে আছে তবে এনে দাও।

কুষ্ণ। দেখ, তোমার হাতে ধরে বল্ছি, আমার
গোটাকতক কথা রাখ—রাখবে?

প্রেম। কি?

কুষ্ণ। ঐ রীতগুলো ছেড়ে দাও, নইলে আমি লোকের
কাছে মুখ দেখাতে পারি না।

প্রেম। কি রীতগুলো?

দিসুমিশ্।

কুষ্ণ । এই সেজেগুজে পাড়া বেড়ান, টপ্পা গাওয়া, যাৱ
তাৰ সঙ্গে হাসি ঠাট্টা—

প্ৰম । আচ্ছা, আজ থেকে আটপৌৰে কাপড় পৱে বেড়াতে
যাব—বাচা বাচা লোক দেখে হাসি ঠাট্টা কৰবো—আৱ
টপ্পা ভাল না লাগে, খেৱাল গাইব।

কুষ্ণ । তোমায় দেখছি পালনে না।

প্ৰম । আজ বুৰুলে ?

কুষ্ণ । বুৰোছি অনেক দিন !

প্ৰম । তবে যেতে দাওনা আপনা আপনি।

কুষ্ণ । হা ভগবান !

প্ৰম । ভাল, পাড়াপড়শীৰ বাড়ী এক আধিবার বেড়াতে
গেলে দোষ কি, তুমি যাওনা ?

কুষ্ণ । আমি আৱ তুমি !

প্ৰম । হঁ-আ-আ-আ—তফাং আসমান্ জমী !

কুষ্ণ । (স্বগত) এমন বে আৱ কাৰোৱ অদৃষ্টে হয়নি,
কোন দেশে চলে যাই—তাই বা বাপ পিতামহেৰ ভিটে ছেড়ে
কোথায় যাই—(প্ৰকাশ্য) দেখ, আমি মাসে মাসে তোমাৰ
পঁচিশ টাকা খৰচ দেৰ, তোমাৰ বাপেৰ বাড়ী গিয়ে থাক, সেপা
যা ইচ্ছে তাই কৰো, আমি জালাতন হয়েছি।

প্ৰম । কিন্তু আমি বেশ আছি, স্বতৰাং আমি এগান
থেকে কোথাও যাব না।

কুষ্ণ । আমি জোৱ কোৱে পাঠিয়ে দেবো।

প্ৰম । আমি জোৱ কোৱে থাকবো।

কুষ্ণ । গলা টিপি দে দূৰ কৱে দেব ?

ডিসমিশ্ব।

প্রম। গলা জড়িয়ে থাকবো ।

কৃষ্ণ। একি পাঁগল নাকি ! তোরে নে কর্বো কি ?

প্রম। আর কোন বিশেষ কাষে না লাগে, ঘর সাজিয়ে
রেখে দিও, ছবিথানি কি মন্দ ?

কৃষ্ণ। গ্রিতো কুঘের গোড়া !

প্রম। এখন আর কোন কি কায় আছে—না বসে বসে
আমায় বাক্যায়ন্ত্রণা দেবে ?

কৃষ্ণ। এখন বুঝি আমার কথা যত্নণা দাঢ়িয়েছে—এক দিন
না বড় মিষ্ট লাগতো ?

প্রম। অধিক মিষ্ট খাইলে পীড়া হয় ।

কৃষ্ণ। আচ্ছা যাচ্ছি, দেখি তোমার বাপের কাছে পীড়ার
ওষুধ হয় কি না ?

প্রম। বাবা আমার বদ্ধি নন ।

কৃষ্ণ। বদ্ধিগিরী শিখিয়ে নেব ।

[প্রস্থান ।

প্রম। পাঁগল ! আর নেহাঁ দোষই বা দেব কি, আমারও
অন্যায় আছে, তা আমি কি করব, কথার জবাব না দিয়ে আমি
থাক্কে পারিনা ; তা বেশ, স্বামীর সঙ্গেও একটু রসিকতা করবো
না—ওঁর মুখ পানে চেয়ে চুপ করে বসে থাকো, তা হলেই উনি
বেশ থাকেন ; তা আমি পারবো না, মজাৰ কথা মুখে এলেট
আমার বেরিয়ে পড়বে, অন্যায় অসঙ্গত না বলেই হলো—আর
ঐরকম ঠাট্টায় ঠাট্টায় চড়ে ওঠে, আবার একটু তৱল চাইলেই
গলে যায়, আমার বেশ লাগে । গান গাইলে চটে যায়, যার বাকি,
স্থামি বেশ জানি, গ্রি গানে, সরস কথায়, আর সাজ গোজের

ডিস্মিশ ।

জোরেই, আমার ধন আমার একলার আছে; নইলে গুমেছা
পরা গোবর নেদি দেওয়া, তামাক পোড়াগাগি টুটোর বাদৱাট
হয়ে গাকলে হয়েছিল আর কি! এদিন কোন্ আবাগী আমার
বরগা-গণার বন্দোবস্ত করে দিত। শুনেছি সতীন আমার
লজ্জায় ঘরে শুতে যেতেন না, তেমনি নিজে জলে পুড়ে থাক হয়ে
গিয়েছেন, আর স্বামীকেও একটি জানোয়ার বানিয়ে গিয়েছিলেন;
বাবারে! সে কথা মনে হলে, আমার আজও গা কেঁপে
উঠে! ফুলশব্দ্যা হলো ঝিয়ের সঙ্গে—প্রথম ঘরবস্ত করতে
এমে দেড় মাস রাইলুম, বাবু ঘরে শুলেন তিনদিন—গাটের তলায়
বমিতে মুখ গুঁজ্বড়ে—এখন গাইলে ওঁর নিন্দা হয়! একদিন
নেশার চট্কা ভঙ্গে না উঠে, “জাহু গাও, পিয়া পিয়া গাও”—
আমি বুঝলেম এই বিয়ের এই মন্ত্র, রসো বাপের বাড়ী থেকে
ফিরে আসি—চারমাস বাদে জাহু ফিরে এলেন, জাহু গাইলেন,
জাহুও ক্রনে জাহু হলেন—

(ঝিয়ের প্রবেশ)

ঝি। বৌমা!

প্রম। তুই এলি বাছা! বাঁচলুম, আমি আবার তোকে চিঠি
পাঠাব মনে কচ্ছিলেন।

ঝি। (সহাস্য) ওগা! সেকি গো! চিঠি কিসের? আমি
দেশের কুড় রাজ্যের কুড় গেছলুম নাকি?

প্রম। না, হলে পাড়ায়; তবুত কিছু না হোক আধ পোয়া
পথ হবে, গেছিস্ এক ঘণ্টার উপর, উদ্দেশটী নাই, মর ছাই
একটা লোকও কি পাঠাতে নেই?

ডিস্মিশ্ৰ।

ঝি। ওঃ! একটু দেরি হয়েছে তাই ঠাট্টা কৰছ। তুমি আমায় বকোটকো বাপু, সে ভাল, অমন হেসে হেসে ঠাট্টা বড় বাজে।

প্ৰম। ছিঃ! তুমি আমাৰ “কুলশ্যাৱ” শেজেৱ সাথী, তোমায় কি আমি বক্তে পাৰি!

ঝি। মেয়েকে ওকি কথা গা?

প্ৰম। ঝি, পাকী ডাক্ত!

ঝি। কেন গা?

প্ৰম। বাপেৱ বাড়ী যাৰ।

ঝি। ই-ই-ইস!

প্ৰম। যে বাড়ীৰ ঝি থেকে বাবু পৰ্যন্ত সব অক্ষজ্ঞান, সে বাড়ীতে থাকলে আমাৰ জাত যাবে।

ঝি। বাবু কি কৰেছেন, কখন এয়েছিলেন?

প্ৰম। এই ত গেলেন।

ঝি। তা কি হচ্ছিল?

প্ৰম। দাঙা!

ঝি। সে কি, মাৰ ধোৱ! মেৰেছেন নাকি?

প্ৰম। বড়ো!

ঝি। বাবুত এমন ছিলেন না!

প্ৰম। আমাৰ আমলে হয়েছেন—তুই জানিসনে? অনেক দিন থেকেইত মাৰেন।

ঝি। তাই ত গা, আহাহা! আজ কোন থান্টায় মেৰেছেন?

প্ৰম। বৰাবৰ যেখানে—হৃদয়ে!

ঝি। আহা! তাই ত তাই ত, ফুলে উঠেছে গা! তা তুমি কৃপটী কৰে রইলে?

ডিম্মিশ্ ।

প্রম । তেমনি মেয়ে কিনা আমি ! খুব দশকগা
শুনিয়ে দিলেম ।

ঝি । বেশ করেছো ! কি বল্লে ?

প্রম । বল্লুম “প্রিয়তম ! দাসী তোমার আমি, যদিন না
তোমার কোলে গঙ্গাজলে যাই, তদিন আমায়
মারো, মার যে দিন বন্ধ করবে, আমি হাসিকে ফাঁশী দেব, গান
বানের জলে ভাসিয়ে দেব, পাড়া বেড়ান ছেড়ে দেব, মার বন্ধ
করলে আমি দোর বন্ধ করে কাঁদব, নয় গলায় দড়ি দেব—
লাকলাইনই হোক, নারকোল কাতাই হোক” ।

ঝি । ওঃ ঠাট্টা !

প্রম । তোর বাবু যে কাটি খোট্টা, ঠাট্টার কি ধার ধারে !

ঝি । তা বাবু আমার বরাবরই মেয়ে মুখো ।

প্রম । হা ! দিবি মেয়ে মুখো, গোপ্ত জোড়াটিত ভৰহ
মেজঠাকুরবির মত !

ঝি । নেও মেনে, এখন তোমার ঠাট্টা রাখ, যে কাষে
পাঠিয়ে ছিলে, তার থবর শোন ।

প্রম । হ্যাঁ হ্যাঁ, কি বল্ল বল্ল ; দুলে বৌর ছেলেটি আজ
কেমন আছে ?

ঝি । আজ আর জুর আসেনি ; বেদানা পেয়ে ছেলেটার
যে আহলাদ—বৌচুঁড়িত্তাকা পাঁচটা হাতে পেয়েই কেঁদে ফেলে,
আমায় বল্লে “মাসী, তোমাদের বৌমা মানুষ নয়, দেবতা—,

প্রম । বেরিয়ে যা, বেরিয়ে যা—

ঝি । ওমা ! কেন গা ?

প্রম । রাস্তা বেড়ান কাপড়ে ঠাকুর ঘরে এইচিস্ট !

ঁি। তাই ভাল ! দেবতা বলেছি তাই তামসা হলো ; তা দেবতাইত, শুনু দেবতা, সাক্ষেৎ অন্নপুর্ণো ! আমি আজ সব শুনেছি, তাইত দেরি হলো ; তুমি নাকি গয়লাগিন্নির ব্যামো হতে আট দিন উপরো উপ্রি তাদের রেঁধে দিয়ে এয়েছ, শুন্দেন তার আগে ছদিন বুড়ো ! মিন্সে আর ছেলেগুলো চাল তাজা খেয়েছিল —

প্রম। তুই দেখতে গেছিলি, আমি কি আশুগতাতে যেতে পারি ?

ঁি। আর আমার কাছে ছাপ্বার বো নেই ; আমি সব টের পেয়েছি, এর নাম তোমার তাস খেলতে যাওয়া, গান শিখতে যাওয়া ? তুমি কিনা এর ভাত রেঁধে, ওর কাঁগা সেলাই করে, ওর নেঁয়ের চুল বেঁধে, ছোট লোকের ছেলে পড়িয়ে বেড়াও ? তোমার দৌরাত্যিতে ছলে পাড়ায় কান পাতা ধার্না, ছবড়ি ছগও ছেলে জুটে “তিন কড়ায় চার গঙ্গা” করে দিবেরাত্তির ডাক পাড়চ্ছে ; ওয়া ! আমি বলি বৌমা অষ্টপেরহর সেজেগুজে আতর গোলাপ লেবেদোর মেথে বেড়ায়, একি কাজ কটে পারে ? না—তা নয়, তোমার পেটে এত ! তুমি উলুর চালের ছেচ ঝাঁট দাও—তুমি—

প্রম। ঁি, ঁি, ঁি, আমার মাথা থাস, এ সব কথা কাকেও বলিস্নি, বাবুকে বলিস্নি, আমার দিব্যি ।

ঁি। না, দিব্যি দিওনা, বাবুকে আমি বলবো, তুমি এমি করে বেড়াও বলে তিনি কত দুঃখ করেন, হয় ত কি মনে করেন—এসব কথা শুন্দেখুব শুসি হবেন ।

প্রম। নারে না, তুই বুঝিসনি, আমি লুকিয়ে গরিব দুঃখীকে টাকা দিই শুন্দে তিনি চটে যাবেন, জানিস্নে

ডিসমিশ্ব।

কেমন দৃষ্টি কৃপণ—আর ভাল কায় করে কি বলতে আছে,
তা হলে যে সব বুথার যায়—

ঝি। তা সোয়ামীর কাছে—

প্রম। কারুর কাছে না—আমি যা করি, কায় হয়
কার ? তাঁরই—টাকা কি আমার ? তিনিত হাত তুলে এক
গয়সা দেবেন না !

ঝি। আর গতোর ? গতোরের কলাটা কচে কে ?

প্রম। আমার গতোরও এখন যে তাঁর, বেরদিন থেকে
মেগের গতোর ভাতারের হয়।

ঝি। কে জানে মা ! আমাদের দুঃখী লোকের
কিন্তু মেয়ে মদে, যে যার নিজের গতোরে পাটে।

প্রম। তা বেশ করিস, এখন রাখা ঘরে বা, আমি একবার
মনেরকথার সঙ্গে দুটো রসিকতা করে আসি।

ঝি। (হাসিয়া) হ্যাঁ হ্যাঁ, বাণিদের উটোন কাঁট দিয়ে এস !

প্রম। দুর্ পোড়া কপালী !

[উভয়ের প্রশ্ন]

তিসমিশ্র।

ଦ୍ଵିତୀୟ ଦୃଶ୍ୟ ।

ରାସ୍ତା ।

କୁଷବାସୁର ପ୍ରବେଶ ।

କୁଷଙ୍କ । ମୁଖେର ସାମନେ ନା ଯେତେ ହସ, ଏମି ତଫାଂ ତକାଂ
ଥାକି, ତା ହଲେ ଥୁବ ରାଗ୍ରତେ ପାରି, ରୀତିମତ ଧମ୍କାତେ—ଶାସନ
କରତେ ପାରି—କିନ୍ତୁ ମୁଁ ଦେଖିଲେଇ ଆର କଥା ସବେଳା, କି ଯେ
ତୁ ମୁଖ ଥାନିତେ ଆଛେ, କେମନ ଭାବେ ଯେ ଏକଟୁ ଚାଇ, ଆମାର
ମୁଣ୍ଡୁ ସୁରେ ଯାଇ, ତୁ ଚାଉନିତେଇ ଗୟା ଗଞ୍ଜା ବାରାଣ୍ଶୀ ଦେଖିତେ
ଥାକି । କିନ୍ତୁ ତା ବଲେ ଆର ଚଲ୍ଲେନା, ଶେଷ କି ଆମି ସତ୍ୟ
ସତ୍ୟ ଭେଡା ହେଁ ଯାବ ! ଆର ଯେ ଆମାର କ୍ରମେ ସନ୍ଦେହ ହୁଅ,
ଏହି ବ୍ୟେସ, ଅମନ ରସିକ ଓ ବାହିରେ ଯାଇ କି କରେ ? ଜିଜ୍ଞାସା
କଲେ ହେମେ ଉଡ଼ିଯେ ଦେଇ ; କି କରି, କାକେ ପରାମର୍ଶ ଜିଜ୍ଞାସା
କରି—ବନ୍ଦୁ ବନ୍ଦୁବକେ ବଲ୍ଲତେ ଗେଲେ ତାରା ଆମାକେଇ ଦୋଷେ,
ବଲେ କେନ, ଆମରା ତ ଗୋଡ଼ାଯ ବଲେଛିଲୁମ ଯେ ଅତ ଶ୍ରୀର ବଶ
ହ'ମୋନା, ଆଖେରେ ପଞ୍ଚାବେ—ଏହି ଯେ ତର୍କଲଙ୍କାର ମହାଶୟ ଆସ୍ତେନ,
ଉନିତ ଏକଜନ ବିଜ୍ଞ ବହୁଦର୍ଶୀ ଶୋକ, ଓଁକେ ଏକଟା ଏର ବ୍ୟବସ୍ଥ
ଜିଜ୍ଞାସା କରି—

(ତର୍କଲଙ୍କାରେର ପ୍ରବେଶ)

ପ୍ରାମ ତର୍କଲଙ୍କାର ମହାଶୟ !

ତର୍କ । କଲ୍ୟାନ ମଞ୍ଚ :

କୁଷଙ୍କ । ଏକଟା କଥା ମହାଶୟକେ ଜିଜ୍ଞାସା କରିବ—

ତର୍କ । ଭାରି ବ୍ୟଞ୍ଚ—ସମୟ ନାହିଁ ।

কুষ্ণ ! আজ্জে একটা ব্যবস্থা—

তর্ক ! ব্যবস্থা ! অধ্যাপকের নিকট ব্যবস্থা নিতে হ'লে
জান ত—

কুষ্ণ ! টাকা দিতে হয়—এই নিন ! (হই টাকা প্রদান)

তর্ক ! (টাকা লইয়া) কি আমায় টাকা দেওয়া—নবন্ধীপের
নিধিরাম স্মৃতিরস্তের ডাত্র আমি—বিক্রমপুরের সর্বেশ্বর
বিদ্যাবাচস্পতির পৌত্র, আমায় টাকা দেওয়া, আমায় অর্থপিশাচ
মনে করা—আমায়—

কুষ্ণ ! আজ্জে ক্ষুক হবেন না, আপনি হচ্ছেন পূজনীয়
ব্যক্তি—

তর্ক ! .তা হলেমই বা ; এখন শীত্র বল তোমার কি
প্রয়োজন ?

কুষ্ণ ! আজ্জে আমার পরিবার সম্পর্কে একটা কথা—

তর্ক ! তুমি বাপু বড় বেশী কথা কও ; আমার অত সময়
নাই, শীত্র শীত্র বল ।

কুষ্ণ ! তাই ত নিবেদন কচ্ছিলাম, যে আমার—

তর্ক ! আবার যে কথার শান্তি আরম্ভ কলে ! একটা সামাজিক
বিষয় দু কথায় বুঝিয়ে দিতে পারনা ? কথা অনেক কওয়া একটি
বিষয় দোষ ; শাস্ত্রে বলেছে—যে—যে—যে—এই—এই—এই
“সত্যং ক্রৱ্যাং প্রিযং ক্রৱ্যাং” একটি সত্য কথা একটি প্রিয়
কথা, বস্তু দুটির বেশী কথা কইবে না ।

কুষ্ণ ! একটু স্থির হ'য়ে শুনুন—

তর্ক ! তুমিত বড় অর্বাচীন ! ক্রমাগত অসঙ্গত প্রলাপ
বক্তৃ, আর আমাকে স্থির হ'তে বল ! তবে আমি অস্থির

আমি চঞ্চল, আমি বালক, তবে বিদ্যাহীন, বুদ্ধিহীন, হিতাহিত
জ্ঞান বিহীন; যাও, তোমার মুখ দেখতে নাই; তু কথায়
বলতে পার বল, অধিক বাক্যাড্ভুত কল্পে, আমি এখনি স্বস্থানে
প্রস্থান করব।

ক্রষ্ণ। আমাৰ স্তু—

তর্ক। আবাৰ বাকেয়েৰ শ্ৰোত আৱস্তু কল্পে? “আমাৰ
স্তু” কি? এ সংসাৱে আমাৰ কে! “আমাৰ” এত বড় আঘৃষ্টৰী
শব্দ তুমি ব্যবহাৰ কৰ? এইক্রম প্ৰলাপ বাক্যালাপ কৰে
আমাৰ সময় নষ্ট কৰে মদীয় কলাপ পাঠেৰ ব্যাধাত কচো?

ক্রষ্ণ। কিঞ্চিৎ অপেক্ষা কল্পেই সমস্ত শুন্তে পাৰেন, আমি
যে দ্বিতীয় পক্ষে সংসাৱ কৰেছি—

তর্ক। তুমি যে আমাকে ঘনীভূত ক'ৱে তুল্লে, বড় বাচ্চাল
ত তুমি, এত বেশী কথা কওয়া তোমাৰ স্বতাৰ হলো। কেমন
কৰে? দিন কয়েক আমাৰ উপদেশ অবলম্বন কৰ, তোমাৰ এই
বিষম পৈশাচিক ব্যাধি হতে মৃক্ত হবে; আমাৰ
জ্যোষ্ট্রম পুল্লেৰ মধ্যম পুল—অর্থাৎ আমাৰ মেজোছেলে,
ব্যাকৰণে বিলক্ষণ ব্যৃৎপত্তি—ঐক্রম বাক্যব্যাধি কৰ্তৃক আক্ৰান্ত
হয়েছিল, একটা মুষ্টিঘোগ দেওয়া মাত্ৰে বাক্ৰোধ ভবেৎ,
একেবাৱে বোৰা!

ক্রষ্ণ। এ বামুন ত বড় জালাতন কল্পে—আপনাৰ কথা
সাত কাহন ক'বে, আৱ আমাৰ মুখ থাবা দিল্লে রাখ'বে, থামকা
হ'চো টাকা গেল, আগল কথা হ'লো না।

তর্ক। কিহে বাৰু দাঙিয়ে রইলে যে, তুমি কি কথা
কইতে পাৱনা—কি হয়েছে বলনা, তোমাৰ স্তুৰ কি হয়েছে?

କୁଷ୍ଣ । ଦ୍ୱିତୀୟ ପକ୍ଷେର ସଂସାରେ ଯା ହ'ୟେ ଥାକେ, ଏକେବାରେ
ବାବୁ ! ଆର ଆମାର ସମ୍ପୂର୍ଣ୍ଣକୁପେ ଅ——

ତକ । ଏହି ବୁଝି ତୋମାର ଅନ୍ନ କଥା କଓଯା ? ତୋମାର
ଶ୍ରୀ ସମ୍ପୂର୍ଣ୍ଣକୁପେ ତୋମାର, ମେତ ଭାଲାଇ କଥା, ଶ୍ରୀ ଆବାର କାର
ଅସମ୍ପୂର୍ଣ୍ଣ ଥାକେ ? ତବେ ସତଦିନ ନା ବସୋଃପ୍ରାପ୍ତ ହୟ, ମେ ଅନ୍ତ
କଥା, କତ ବସେ ହବେ ତୋମାର ମହାରମ୍ଭନୀର ?

କୁଷ୍ଣ । ଆଜେ ଠିକ କଥା ବଲ୍ଲେ ପାରିନା, ବୋଧ ହୟ—ଆନ୍ଦାଜ—
ତକ । ବୋଧ ହୟ—ଆନ୍ଦାଜ—ଦୁଇ ସହା କଥା କଥେ ଫେଲେ,
ଏ ସରଳ ଉତ୍ତର ଆର ତୋମାର କାଛେ ପାଓଯା ଗେଲ ନା, ଏଥନ
ବଲ ଶୀଘ୍ର ଶୀଘ୍ର, କି ଜିଗୋସ କରେଛିଲେମ ; ମନେ କରେ ଦାଉନା,
ତୋମାର କି କିଛୁ ମାତ୍ର ଶ୍ଵରଣ-ଶକ୍ତି ନାହିଁ, ଆମରା ବାଲ୍ୟାବନ୍ଧାର
ଏକଟିବାର ଯା ଶୁଣେଛି, ଆଜତେ ତା ଶୁତିପଥେ କର୍ତ୍ତ୍ତୁ ରହେଛେ,
ଆର ଏହି ମାତ୍ର ଆମି ତୋମାଯ କି ଜିଜ୍ଞାସା କରିଲେମ, ଏ ଆର
ତୋମାର ଶ୍ଵରଣ ନାହିଁ, ଛିଃ, ଛିଃ ଛିଃ—

କୁଷ୍ଣ । ଆଜେ ଆମାର ପରିବାରେର ବସେର କଥା ଜିଜ୍ଞାସା
କରେଛିଲେନ, ବୋଧ ହୟ ଆଠାର ଉନିଶ ବିଂସର ହବେ ।

ତକ । ଆ—ଠା—ର—ଟ—ନି—ଶ—ବିସ୍ତର ବସେ, ଏ ବସେମେ
ଆର କିଛୁ ହୟନା—“ପ୍ରାପ୍ତେଷୁ ଘୋଡ଼ଶବର୍ଷେ ପୁଣ୍ଡ ମିତ୍ର ବଦାଚରେୟ,”
ଏଥନ ତାର ମଙ୍ଗେ ମିତ୍ରେର ବ୍ୟବହାର କରୋ, କଦାଚିତ୍ ଶକ୍ତ ଭେବନା
“ପିତା ଶକ୍ତ ମାତା ବୈରୀ” ଶ୍ରୀ ନନ୍ଦ, ଶାନ୍ତକାରେରା ବଲେ ଗେଛେନ,
ମର୍ବଦୀ ମଙ୍ଗେ ମଙ୍ଗେ ରାଖିବେ, ଆର ଏକଟୀ କଥା, ଶୟନ ଏକ ମଙ୍ଗେ
କରୋ,’ ଶ୍ରୀର ମଙ୍ଗେ ଏକତ୍ରେ ଶୟନ ନା କରିଲେ ମିତ୍ରତା ବର୍ଦ୍ଧିତ ହୟ
ନା—ଏଥନ ଆମି ଚଲେମ—ତୁମି ଦିସ୍ତର ବାକ୍ୟବ୍ୟାୟ କ'ରେ ଆମାର
ଅନ୍ୟେକ ସମୟ ନଷ୍ଟ କରେଛ—ପାଷଣ ବେଳିକ ! [ପ୍ରଶାନ୍]

কৃষ্ণ । গালে চড় যেরে দুটো টাকা নে গেল—আর যাইচ্ছে তাহি কতকগুলো গালাগালি দিয়ে গেল ; পরামর্শ ত খুব পেলেম, এমন আপদেও পড়েছি—কি করি এখন ? প্রমদার মনটা কিন্তু সরল, আমাকেও বত্ত করে খুব, এ মেথায় সেখার ঘাওয়াটা ছেড়ে দেয় ত আমি আর ওর সব আব্দার সহিতে পারি—এই না আমার শঙ্কুর এদিকে আসছেন, ভালই হয়েছে ওঁকেই সব কথা খুলে বলি—

(শঙ্কুরের প্রবেশ)

প্রণাম—আপনার সঙ্গে দেখা হ'লো ভালই হ'লো—আমি আরও আপনার কাছে যাচ্ছিলাম ।

শঙ্কু । কেন ! কেন ! কোন প্রয়োজন আছে নাকি ?

কৃষ্ণ । আজ্ঞা না,—অনেক দিন দেখা হ্যনি তাই—

শঙ্কু । বেশ ত, বেশ ত বাবা ! তোমার বাড়ী, তোমার ঘর যাবে বৈকি ; আমার এখন তেমন সময় নয় তাই, তা না হ'লে হামেসা তোমাদের নিয়ে আদর অপেক্ষা করতে হয় ।

কৃষ্ণ । আজ্ঞে একটু প্রয়োজনও ছিল ;—তা থাক এখন, অন্ত সময়—

শঙ্কু । কেন ! কেন ! বলনা—আমার এখন কোন তাড়া-তাড়ি নাই—বল ।

কৃষ্ণ । আজ্ঞে এমন কিছু নয়, একটু পরামর্শ—

শঙ্কু । কি ? বল, জিজ্ঞাসা কর—আমি ত কষ্টব্য, তোমার পর নই বাবা ।

কৃষ্ণ । না তা নয় ; আপনার—কন্ঠার, এই আমার পরিবারের—তাই বলছিলাম—প্রমদা সম্বন্ধে একটা কথা —

শঙ্ক ! কেন ! কেন ! কি হয়েছে, প্রমদার কি হয়েছে,
কোন অসুখ তো নয় ?

কৃষ্ণ ! না তা কিছু নয়, এদানি তার আচরণটা কেমন—

শঙ্ক ! সেকি ! সেকি ! প্রমদা ত তেমন মেঝে নয়, একটু
চঞ্চল বটে, তা আর একটু বয়েস হলেই মেঝে যাবে—আর ত
সব ভাল ; সংসারে কি কোন কাজ কর্ম করে না ?

কৃষ্ণ ! আজ্ঞে আপনার আশীর্বাদে আমার সংসারে আবে
কিছুই খাট্টে হয় না, বামুনে রাঁধে, চাকর দাসী যথেষ্ট
আছে, তবে—

শঙ্ক ! সেকি তোমার সঙ্গে ঝগড়া ঝাঁটি করে না কি ?

কৃষ্ণ ! আজ্ঞে, ঝগড়া—ঝগড়া, তাইবা কেমন করে
বুলি—তা আমায় যথেষ্ট যত্ন করে—

(একজন মাতালের প্রবেশ)

মাতা ! এই—মহিন—মনে ! দাঁড়িয়ে যাওনা বাবা ! শুবলোক
বা হোক, আচ্ছা নেভার মাইও—মহিন কোন দিকে গেল
দেখেছ বাবা ?

কৃষ্ণ ! না—আমাদের একটু কথা হচ্ছে, ওদিকে যাও !

মাতা ! কোম্পানির রাস্তা !

কৃষ্ণ ! তুমি যাবে না ?

মাতা ! আপাতত নয় !

শঙ্ক ! থাক ; থাক চল বাবা আমরাই এগিয়ে দাঢ়াই—
ইঠা তার পর কি বল্ছিলে ?

কৃষ্ণ ! আজ্ঞে কি বল্ব—দোষও বটে—আবার ঠিক
দোষও—এই চঞ্চলতাটা—

শঙ্কু । একটু বেড়েছে—তা—

(বরফওয়ালার প্রবেশ)

বর । পানি পিনেকা বরফ (শঙ্কুর জামায়ের কথা
শনিতে দণ্ডায়মান)

কুষ্ণ । ক্যা দেখ্তা হ্যায় ?

বর । কুচ্ছেই ।

কুষ্ণ । তব খাড়া কাহে ?

বর । এইসাই—কুচ্মানা হ্যায় ?

শঙ্কু । ছোট লোকের সঙ্গে কথায় কাজ নেই যেতে দাও,
চল এগিয়ে দাঁড়াই ।

বর । মুসামালকে বাং কহো বুড়ুটা ।

শঙ্কু । কি গেরো !

(একজন ছোক্রার প্রবেশ)

ছোক । “গুপ্তকন্ঠার গুপ্তকথা” এক পয়সা—এক পয়সা
বড় মজাৰ বই—“গুপ্তকন্ঠার গুপ্তকথা”—এখানে কি
হয়েছে বাবু ?

কুষ্ণ । আমাৰ মাথা ! আমি সং সেজেছি তাই এৱঁ
দাঁড়িয়ে দেখ্চেন—তুমিও না হয় ঘোগ দাও ।

ছোক । পাগলাৰে !

কুষ্ণ । চুপ্পি ।

ছোক । ও বাবা ! এ হৃষ্টু পাগল, একেও রাস্তায় ছেড়ে দেয় ।

শঙ্কু । চল বাবা এগিয়ে যাই—যেতে যেতে শুনবো এখন ।

কুষ্ণ । তাই চলুন—(অগ্রসৰ হওন) চঞ্চলতাটা কি রকম
জানেন—

ছোক। ছেঁচলা তলাটা কি রকম জানেন !

কুষ্ণ। চুপ।

ছোক। হ্রপ।

বর। বরফ।

মাতা। এই বরফওলা, কাল সন্ধ্যা বেলা আমার ওখানে
যাস, জানিস্তো হরির বাড়ী—

(একজন ভিক্ষুকের প্রবেশ)

ভিক্ষু। (কুষ্ণ-প্রতি) বাবু কিছু যাচাই করি।

কুষ্ণ। এখন কিছু হবে না।

ভিক্ষু। দেখুন, আমি Gentleman, চাকরি বাকরি না
ঝাকায় circumstanceটা অতি bad হয়ে পড়েছে তাই
something—

কুষ্ণ। নেসা টেসা করো বুঝি ?

ছোক। ওহে ও পাগল—বড় কাছে যেও না কাম্ভাবে।

কুষ্ণ। দেখ ছোড়া—

ছোক। (ব্যঙ্গ) দেখ ছোড়া।

(পাহারাওয়ালার প্রবেশ)

পাহা। ক্যা হয়া, এতা ভিড় কাহে ? চলায়ও সব
(ক্রমে নানাকৃত লোকের জনতা)

ছোক। পাহারাওলা সাহেব, ঈ একজন পাগল বেরিয়েছে,
সবাইকে কাম্ভাতে যাচ্ছে।

কুষ্ণ। ছোড়া ত ভারি ডেঁপো—নেই পাহারাওয়ালা
কুছ নেহি হয়া, তোম্ আপনা কাম্ভমে যাও।

পাহা। হামারা কাম্ত হিঁই পর হায়, তোম হিঁয়া ক্যাকৰ্তা ? আইন জান্তা ?

কুষণ। দেখো ইজ্জৎসে বাং কহো, রাস্তামে আদ্মি চলনা মানা কৱনেকা তোমারা কুচ এক্তাৰ হায় ?

পাহা। দেখোগে, এক্তাৰ হায় কি নেই ?—চলো আবি হট্ট্যাও সব।

মাতা। কি বাবা চটারাম ?

কুষণ। দেখো, মাতোয়ালা হোকে গালি দেতাহায়।

পাহা। কাহা গালি দিয়া ? যাও—যাও সব (ক্রমে জনতাৰ হাস)

কুষণ। হামারা জেৱা ইন্সে বাং হায়।

পাহা। (কল্যুৱাইয়া) ক্যাহ হটোগে নেই ? চলো আবি—বুড়চা হটো, চলো।

[কুষণ, শুশ্রূৰ ও পাহাৰওয়ালাৰ প্ৰস্থান।

(ঝিয়েৱ প্ৰবেশ)

ঝি। ওমা ওকি ? বাবু না, কি হয়েছে !—পাহাৰওয়ালাৰ সঙ্গে অমন কচ্ছেন কেন ! ওমা কি হোলো, শীগুগিৰ যাই ! বৌঠাক্কণকে থপৱ দিইগে, পুলিষেৱ সঙ্গে হ্যাঙ্গাম কেন বাবু !

[প্ৰস্থান।

—

তৃতীয় দৃশ্য ।

(প্রমদার গৃহ)

প্রমদা আসীন ।

প্রম । না বাপু ! আর পারা যায় না—ঝিমাগী যেখানে
বায়, বায়ের মাসী হয়—ছটো পয়সার পান আন্তে গেছে সেই
পথ—একে রেগে গেছে, এসে পান খেতে না পেলে একেবারে
জলে যাবে—সখের মধ্যে ঐ টুকু—

(নেপথ্যে গীত ।)

.নিতুই নিতুই ঘুরি ফিরি তোমার কানাচে !

প্রাণ বোঝানা অঁচে ।

প্রম । আ মরি মরি, কি মধুর গলা ! সেই হতভাগা
চোড়া বুঝি ! রোস, দেখছি !

নেপ । তোমার সোণার পায়ে কল্পোর পাঁজর, করে মধুর ঝমর,
ঐ পাঁজরের ঘূমুর হ'লে প্রাণটা কতক বাঁচে ;
তোমার ভাসা চোখের খাসা চাউনি, আশায় আশায় দেখি
ধনি, চিন্লেনা তো চাঁদবদনী,
শ্রাম তোমার ঢালা কি ছাঁচে ॥

প্রম । ছোড়া ত ভারি পাজী, আমার উপর বাবুর চোক
পড়েছে, জৰু কচিদাড়াও । (নেপথ্যাভিমুখে) বেশ গলা তো !
আমাদের বাড়ী এসে গান শোনাবে ?

নেপ । বাড়ী গিয়ে ! এখনি, যদি না কেউ মারে ।

প্রম । মাৰ্বে কেন, থিড়কি খোলা আছে, এম তুমি এম ।

নেপ । তা যাচ্ছি ।

প্রম। এস, তোমার রসিকতা ঘোচাচ্ছি—নচ্ছার ছেড়া !
ভদ্রলোকের বউ বিকে মার মতন দেখবি, না কুনজর—

(তিনিকড়ির প্রবেশ)

তিন। এয়েছি !

প্রম। বেশ করেছ বাছা !

তিন। (জিবকাটিয়া) ওকি কথা ! ওকি কথা !

ও কথা কেন !

প্রম। কেন কি কথা ?

তিন। ঐ যে, “বাছা” !

প্রম। তা হোক, ও আদুর করে বলা যায় ।

তিন। আজ কাল হয়েছে বুঝি ? বিদ্যাস্থলোরে পড়িনি,
তাই বল্ছিলাম ।

প্রম। তুমি কি কর ?

তিন। ইঙ্গুল যেতুম, সম্পত্তি ছেড়ে দিয়েছি, আর পড়া
শুনো পোষায় না, এই সময় ইঙ্গুলে নষ্ট করবো, তবে আর
ইয়ারকি দেব কবে ?

প্রম। তা বইকি ! আচ্ছা আমার জান্মলার নিচে রোজ
বোর কেন ?

তিন। (স্বগত) মন, চাঙ্গা হও, লাজলজ্জার মাথা খেয়ে
খুলে বলে ফেল, তা হলেই কাজ সিদ্ধি ।

প্রম। বিড়্বিড় কচ্ছা কি ?

তিন। আগের ভিতর ঘুঁটের পাঁজা জল্ছে, মুখ দে তার
উকো উড়ছে, আর কি !

প্রম। বাঃ বাঃ বেশ! তুমিত বেশ রসিক, কথায় তোমার
ত বেশ বাঁধন ছাঁদন আছে।

তিন। আমি যে নাটক পড়েছি।

প্রম। সত্য নাকি? বেশ বেশ, তবে আমার সঙ্গে মিল্বে
ভাল, আমি নাটক শুন্তে বড় ভাল বাসি।

তিন। তা আমি খুব শুনাব; এই নাও—“সুন্দরী, তোমার
বদনপক্ষজ দেখে আমার হৃদয় সরোজ মুদিত হ’য়ে গেছে, আগিব
ঠার গাত্রবন্দের অস্ত্র ভেদ করে হৃদয়ের স্তরে স্তরে বিন্দ হয়েছে,
মদনের অনীকিনী দারুণ প্রহারে এ দনুজকে সদাই দহন কচে,
আশাবারিদানে অধীনের ধন প্রাণ মান রাখ, নচেৎ—

প্রম। বেশ বেশ—তা দেখ, আশাবারিদানের একটা বড়
বুঝাত আছে—যদি তার কোন উপায় করতে পার তবেই হয়।

তিন। তা আমায় যা বল্বে তা পাববো।

প্রম। দেখ এই বাড়ীর বাবুটা সন্ধ্যা না হতেই কোনে
চোকেন, আর দিনেরবেলায়ও প্রায় কাছ ছাড়া হন্না, তার
উপায় কি বল দেখি?

তিন। তাইত!

প্রম। দেখ এক কাজ আছে।

তিন। কি?

প্রম। যদি চালাকি করে করতে পার।

তিন। চালাকি করে আমি সব করতে পারি।

প্রম। সাহস হবে ত?

তিন। সাহস কি?—মারামারি নাকি!—সেটা—সেটা—

প্রম। (সহান্ত্ব) না না, তা নয়, কি জান, বাবু বড়

ভূতের ভয় করেন, যদি এই বাড়ীর ভিতর কোন মতে ভয় দেখাতে পার, তবেই বাড়ী ছেড়ে পালাবে, তা হলেই আর কোন গোল থাকবে না—পারবে ?

তিনি। তা আমি চিল ছুঁড়বো, হাড় ফেলবো—আর—

প্রম। চিল ছোঁড়া, হাড় ফেলায় হবে না—ভূত সেজে ভয় দেখাতে হবে, তা ভূত সাজ্জতে পারবে ?

তিনি। কালীজুলি মেথে ? সে যে বিশ্রি দেখাবে—তা হলে কি আর তুমি আমায় দেখতে পারবে ?

প্রম। ধুরে ফেলেই ত আবার যেমন চেহারা তেমনি হবে, সে তোমার কোন ভয় নাই ।

তিনি। তবে কবে ?

প্রম। আজ থেকেই স্বীকৃত কর ।

তিনি। আমার একটা বেশ মুখোস আছে, সেইটে পরবো ?

প্রম। ঘাতে খুব বিটকেল দেখায়, ভয় পায় এমন করো ; সিংড়ির পাশে লুকুবে, দোরের পাশদে দৌড়ে ঘাবে, তোমার আর কি শেখাব, তুমি ত আর গাড়ল নয় !

তিনি। রাম ! রাম ! সেজন্য কিছু ভেব না, আমি এখনই ছলুম—তা তোমায় আবার দেখতে পাব ?

প্রম। পাবে ।

তিনি। কবে ?

প্রম। আজি ।

তিনি। আজি !—কখন ?

প্রম। রাত্রে ।

তিনি। আজি !—রাত্রে ! কোথায় ?

প্রম। স্থপ্তে।

তিন। ক্রি যাঃ!—সেকি?

প্রম। সে সব হবে, এখন যাও।

তিন। আচ্ছা তবে চলো—কিন্তু আমায় শেষ ভুলো না?

প্রম। বাপ্তৱে!

তিন। তবে চলো।

প্রম। স্বচ্ছন্দে।

[তিনকড়ির প্রস্থান।

প্রম। বোকা ছোড়া—এত সহজে ভুল্বে তা আনি
ভাবিনি—যা হোক, ভূত সাজ্বে—বড় মজা হবে, খুব মজা
হবে (তালিদিয়া) বেশ-বেশ হা—হা—হা!

(বিয়ের প্রবেশ।)

বি। বৌমা—বৌমা—

প্রম। (উদ্বেগের বিক্ষপ) কি—কি—কি!

বি। সর্বনাশ হয়েছে বৌমা!

প্রম। পানের বরজে আঞ্চল লেগেছে বুঝি?

বি। না বৌমা, তামাসা নয়, বাবু—

প্রম। ধরা পড়েছে?

বি। হেঁগো হেঁ, এর মধ্যে তুমি কেমন করে শুন্লে? আমি
যার আগে বল্বো বোলে তাড়া তাড়ি আস্ছি।

প্রম। আমি গুণ্টে জানি—তা কার সঙ্গে ধরা পড়েছে?

বি। অনেক ডিড়, ঠিক বুঝতে পাল্লেম না।

প্রম। তবে কি বোলশ গোপিনী নাকি? বৃন্দাবন করে
তুলেছে বল।

ঝি। ওমা, তুমি কি বলছ? সে সব না, সে সব না, এখন
আর বাবুকে সে কথাটি বল্বার জো নাই; ওমা কি জানি, বাবু
পাহারাওয়ালার সঙ্গে হ্যাঙ্গাম করেছেন, বুঝি গানায় নেগেশি।

প্রম। সে কিরে—কেন?

ঝি। তা জানিনি বাপু, আমি পান নিয়ে আস্চি আর
দেখি ভাবি গোল, বাবুও যাবে না, আর পাহারাওয়ালা
হাঁকাচে।

প্রম। সেকি ঝি! একি হলো! কি হবে? আমি এখন
কি করি! ঝি এক কাজ কর, বেশী গোল করে কাজ নাই, আমি
একবারও বাড়ী যাই, দিদিকে বলে বঠ্ঠাকুরকে গানায় পাঠিয়ে
দিই, তুই শিখির গিয়ে চুপিচুপি বাবাকে থবর দে, মা আমি
দেরি করিস্নে আমি চলুম।

ঝি। তা—তা—তুমি যাবে কেন, এক জন বেচারাকে
পাঠিয়ে দাও না কেন?

প্রম। না ঝি, এসব কথা চাকর বাকরের কাছে গোল করে
কাজ নাই তুই যা, আমি আর দেরি করবো না।

[উভয় দিকে উভয়ের প্রস্থান।

(তুতবেশে তিনকড়ির প্রবেশ)

তিন। এই ষে, কেউ কোথাও নেই, বেশ হয়েছে! যা সাজ
হয়েছে ভাতার তো ভাতার, ভাতারের বাবা ভয় পাবে; আমার
আপনা আপনিই ভয় পাচে, যাই সিঁড়ির পাশে লুকিয়ে
থাকি গে, ধোনা ধোনা কথা কইতে হবে-উঁঃ! [প্রস্থান।

(কুষ্ণ বাবুর প্রবেশ)

কুষ্ণ । যেমন খিচি খিচি করে বেরিয়েছিলাম, তেমনি
যাজ্ঞোর আপদ জুটেছিল আজ,—হ ছটো টাকা নষ্ট হলো,
জ্বালাতন অপমানের একশেষ—কৈ সব গেল কোথায় ? বি, বি,
কারূঢ় যে উভৰ পাইনে ; ও বামনঠাকুরণ !

নেপথ্য । কি বলছেন গো ।

কুষ্ণ । এরাসব গেল কোথা ?

নেপথ্য । বৌদ্ধা যে এই ছিলেন, এইখানেই কোথা গেছেন ।

কুষ্ণ । “এইখানে কোথায় গেছেন” কোথায় গেছে,
বাড়ী ছেড়ে ?

নেপথ্য । তা বলতে পারিনি, এইখানে—

কুষ্ণ । বটে ! আজ এত করে বল্লুম, তা একদিনও সবুর
সহিদ না—আধবণ্টা মনে রইল না, আমিও বেরিয়েছি আর
অয়ি বাড়ী থেকে বেরিয়েছে ; আর না ! আর মুগ্ধদেখে ভুল্লে
চল তে না, আজ যা হয় একটা কর্বো, খুব কড়া হবো, হয় হবে
চলাচলি, আজ দিচ্ছি দরজা বন্দ করে, কোনমতে বাড়ী চুক্তে
দেবনা, যেখানে ইচ্ছে সেখানে যাক, এখুনি দিচ্ছি (দরজা বন্দ
করে) কে খুলে দেয় দেখি ।

[প্রস্তান ।

—

চতুর্থ দৃশ্য।

—ঊঊ—

বাটীর সমুখ।

(প্রমদার প্রবেশ)

প্রম। (দ্বাৰে আবাত) দৱজা দিলে কে ? কোন থপথটি
এখনও পেলুম না—বাবা কি এয়েছেন—আং ! এদৱজা দিলে
কে ?—যত বিপদ কি এক সঙ্গে ঘটে গা ! কেৱে দৱজা দিলি ?—
ওবি—ঝি—ও ঝি ! কাৰুৱ যে সাড়া নেই—ওবেন্দা—বন্দা,
জানকী—গোপাল, কেউ নেই, কি গেৱো—

(উপরে কুষ্ণ বাবুৰ প্রবেশ)

কুষ্ণ। দৱজায় ধাকা দিচ্ছ কেন ?—তুমি আৱ এখানে
চুক্তে পাৱবে না, যেখানে গেছলে সেইখানে যাও ।

প্রম। ওমা ওকি ? তুমি বাড়ী ! আং বাচলুম ! কোথায়
হেঙ্গাম কৰতে গিয়েছিলে ?

কুষ্ণ। নেকাপানা রেখেদাও, চলেযাও ।

প্রম। ওকি ও ? কিকথা বল ?

কুষ্ণ। বলি ভাল ।

প্রম। দোৱ খোল, দোৱ খোল, তোমাৱ পাঁয় পড়ি ।

কুষ্ণ। আৱ ভবি তোলে না, সব বুজেছি ।

প্রম। দোৱ খোলনা, যা বল্বাৱ বাড়ীভেতৰ বাট, তবে
বলো এখন ।

কুষ্ণ। কোন কথা বল্বাৱ দৱকাৱ নাই, চলে যাও ।

নেতিন। হঁ উঁ উঁ ঘাড় ভাঙ্গবো ।

কুষ্ণ । কেও !

নে-তিন । ভূত ।

কুষ্ণ । বাড়ীর ভেতর কাকে পুরেছ ?

প্রম । গুগো সব বোল্বো এখন, দোর খোল ।

কুষ্ণ । কথন না ।

প্রম । খুল্বে না ?

কুষ্ণ । না ।

প্রম । তবে আমি এইখানে খুনো খুনি হ্ব ।

কুষ্ণ । হও ।

প্রম । দেখ, গলায় আচলেৱ পাক দে যৱ্বো ।

কুষ্ণ । টেৱ দেখেছি !

প্রম । তবে এই দেখ ।

কুষ্ণ । মৰা, মুখেৱ কথা !

প্রম । দেখ (গলায় আঁচল বন্ধন)

কুষ্ণ । ওসব চালাকি টেৱ দেখা আছে, চলে যাও—তাইত
সত্ত্ব সত্ত্ব মুখ যে লাল হয়ে উঠলো, ওকি ! (প্ৰমদাৰ-
পতন) ওকি, সৰ্বনাশ ! সত্ত্ব সত্ত্ব ! কি কল্পুম ! (নীচে আসিয়া
দ্বাৰ উদ্ঘাটন, প্ৰমদাৰ পাৰ্শ্বে বসিয়া) ওঠো, ওঠো, আৱ আমি
এমন কাষ কৰ্বো না—হায় হায় ! আমাৰ এত আদৱেৱ প্ৰমদা
আমাৰ ছেড়ে গেল ! আমাৰ দোষে, আমাৰ বদ্ৰাগে, প্ৰমদা
আমাৰ পৃথিবী ছেড়ে গেল ! হায় হায় ! আমিও আৱ এ প্ৰাণ
ৱাথ্বোনা, যেখানে প্ৰমদা গেছে—(প্ৰমদাৰ সত্ত্বৰ উঠিয়া ভিতৰে
প্ৰবেশ, দ্বাৰ কুন্দ কৰিয়া উপৱে উথান)

প্রম । সোণাৰ চাঁদ এইবাৰ !

কুষ্ণ ! ওকি ! আমায় ফাঁকি ! উঃ ! তোমার পেটে এত
বুদ্ধি ! দরজা খোল, দরজা খোল ।

প্রেম । যেখানে গেছুলে সেখানে যাও, কথন দোর
শুল্বোনা ।

কুষ্ণ । দোর খোল বল্ছি ।

প্রেম । মাত্লামো করো কেন ?

কুষ্ণ । খুল্বে না দোর ?

(শ্বশুরের প্রবেশ)

শ্বশু । একি, কি হয়েছে ! আবার কিছু হেঙ্গাম হয়েচিল
নাকি ? বি আমায় ডাক্তে গেছেলো কেন ? পুলিষের সঙ্গে
আবার কি হয়েছে বাবা ?

কুষ্ণ । দেখুন, আপনার মেয়ের আকেল দেখুন একবার !

শ্বশু । কি, প্রেমদা কি হয়েছে ?

প্রেম । দেখনা বাবা, মদ থেয়ে এসে আমায় বকচে ।

কুষ্ণ । আমি মদ থেয়েছি এই দেখ, গন্ধ সোক (শ্বশুরের
মুখে হা দেওয়া)

(তর্কলক্ষ্মারের প্রবেশ)

তর্ক । আহা—হা ! তোমাদের গোলোযোগে পৃথিবী হতে
কি বাস উঠুতে হবে নাকি ? কি হে কুষ্ণনাথ, কর্জেো কি
মাথামুণ্ড—মাম্লাটা কি ?

কুষ্ণ । আপনাকে কেউ মধ্যস্থ হতে ডাকেনি ।

তর্ক । মধ্যস্থ ! কার মধ্যস্থ আমি ? আমি কারো মধ্যে
থাকি ! আমি সর্ব লোকের উপরস্থ, পাষণ্ড !

কুষ্ণ । কেন বক্ছেন ?

তর্ক । আপনি বাক্যের শ্রোত প্রবাহিত কচ্ছো, আর আমায় বল “বকছেন কেন ;” আমার মত অন্ন ভাষী, পৃথিবীতে আঁর কে আছে ?—লক্ষ্মী ! তুমি এই অর্বাচীনকে বার করে দে দ্বের দেছ, উত্তম করেছ, এত বাক্যব্যয়ী স্বামী হ'তে কোন কাষ হয় না ।

(ঝিয়ের প্রবেশ)

ঝি । ওমা ! এইধে বাবু ! বাঁচলেম বাবা ! আমি মা কালীকে ডাবচিনি মেনেছি, দাঢ়াগোপান মেনেছি, ভালয় ভালয় ফিরে এলে বাঁচলুম ।

কুষ্ণ । কেন আমার কি হয়েছিল ?

ঝি । তা কি জানি বাবু, তোমার উপর চৌকিদারের সেই হেঙ্গোম দেখে, তাড়াতাড়ি এসে বৌমাকে থবর দিলেম, বৌমা কেঁদে কেটে ছুটে বড় বাবুদের বাড়ী থপর দিতে গেলেন, আমি এই ঠাকুরদাকে থপর দিতে গেছলুম, উনি দৌড়ে আসছেন আমি পেছু পেছু আস্তি ; তা তোমায় দেখে বাঁচলুম বাবু ! সব ভাল ত ?

কুষ্ণ । বটে ! তুই বেটাই সব গোল বাঁধিয়েছিস্ ? প্রমদা ! আমি পুলিষে গিয়েছি শুনে তুমি আমার উদ্ধারের জন্য দাদাৰ কাছে গেছলে ? সতী ! তোমায় আমি সন্দেহ করেছি ! দোৱ খোল, আমি তোমার কাছে মাপ্ চাই ।

শ্বশু । জানি, প্রমদা আমার তেমন যেয়ে নয় ।

তর্ক । প্র—ম—দা—এ শব্দের অর্থ কি ? এটা—ত উপসর্গ, মদধাতু ।

কুষ্ণ । এস প্রমদা !

প্রম। আর আমায় কিছু বলবে না ?

কৃষ্ণ। আবার !

প্রম। বেড়াতে যাব ?

কৃষ্ণ। যেও !

প্রম। গান গাব ?

কৃষ্ণ। গেও !

প্রম। ষোড়ায় চোড়বো ?

কৃষ্ণ। যাঃ পাগলি ! আয় !

তর্ক। কোন মতে না, এসনা, এসনা, তোমায় পাগল
বলে ! পাগল কি ? পাগল ! ধর্মপত্নীকে পাগল বল। -

(নিচে প্রমদার প্রবেশ)

প্রম। আমায় কি দেবে বল ?

(উপরে ভূতবেশে তিনকড়ি)

তিন। আঁগি মাঁচ থাঁব, ওঁরে আমায় মাঁচ দে।

কৃষ্ণ। ওকে ও ?

শঙ্ক। ওকি ও !

তর্ক। কি ভীষণ ! রাম ! রাম ! রাম !

কৃষ্ণ। কেও !

শঙ্ক। কি প্রমদা !

প্রম। (স্বামীর কাণে কাণে) আমার নাগর !

কৃষ্ণ। সেকি ?

প্রম। আমার সতীত্ব নষ্ট করতে চান—বড় রসিক
ছোক্রা ; আমি বলেছিলাম, তুমি রাতদিন আমার কাছে থাক,
তাই ভূত সেজে তোমায় ভয় দেখাচ্ছে ।

